



Broj/Број: 04/2-50-1-10-13/06  
Sarajevo/Сарајево: 1.5.2006.

**ZAPISNIK**  
**SA 13. SJEDNICE ZAJEDNIČKE KOMISIJE ZA EVROPSKE INTEGRACIJE**

Sjednica je održana 19.4.2006. sa početkom u 13:00 časova.

Sjednici su prisustvovali: Fatima Leho, predsjedavajuća; Vinko Radovanović, prvi zamjenik; Mehmed Suljkanović, član; Selim Bešliagić, član; Halid Genjac, član; Boško Šiljegović, član; Igor Davidović, glavni pregoivarač BiH sa EU; Dragan Mrkalj, stručni savjetnik u Direkciji za evropske integracije, Jelena Rajaković, sekretar Komisije.

Odsutni su bili: Ilija Filipović, Branko Zrno, Hilmo Neimarlija, Milorad Živković, Nenad Mišić, Filip Andrić.

**DNEVNI RED**

1. Usvajanje zapisnika sa 12. sjednice Zajedničke komisije za evropske integracije PS BiH
2. Pripreme za 8. Međuparlamentarni sastanak Evropski Parlament-Bosna i Hercegovina (Banjaluka, 1.-3.maj 2006)
3. Izvještaj sa druge runde pregovora o Sporazumu o stabilizaciji i pridruživanju održane 17.3.2006.  
Izjescioci:  
-g. Igor Davidović, glavni pregovarač BiH sa EU
4. Tekuća pitanja

### **Ad.1. Usvajanje zapisnika sa 12. sjednice Zajedničke komisije za evropske integracije PS BiH**

Komisija je usvojila zapisnik sa 12. sjednice Komisije

### **Ad.2. Pripreme za 8. Međuparlamentarni sastanak Evropski Parlament-Bosna i Hercegovina (Banjaluka, 1.-3.maj 2006)**

Prisutni su se složili sa zapisnikom sa Sedmog međuparlamentarnog sastanka Evropski parlament – Bosna i Hercegovina, održanog 23. i 24. maja 2005. u Briselu

Dogovoreno je da će članovi Komisije pripremiti izlaganja po određenim tačkama dnevnog reda za sastanak Evropski parlament-Bosna i Hercegovina, koji će se održati u Banjaluci od 1.do 3. maja 2006:

- O tački :Politička situacija u Bosni i Hercegovini, takođe s obzirom na parlamentarne i predsjedničke izbore u jesen 2006, i stanje u pregovorima o Sporazumu o stabilizaciji i pridruživanju: razmjena mišljenja sa Savjetom ministara Bosne i Hercegovine, predstavnicima zemlje koja predsjedava Savjetom Evropske unije, visokim predstavnikom i Evropskom komisijom govoriće g.Halid Genjac.
- O reformi i funkcionisanju državne uprave i borbi protiv korupcije (posebno koordinacija između države i entiteta i dodjela odgovarajućih ljudskih i materijalnih resursa) govoriće g.Boško Šiljgović.
- O saradnji s ICTY (Međunarodni krivični tribunal za bivšu Jugoslaviju) i regionalnoj saradnji-govoriće g.Mehmed Suljkanović
- O ekonomskoj situaciji, s posebnim osvrtom na prioritete istaknute u Evropskom partnerstvu-govoriće g.Filip Andrić
- O ustavnim reformama govoriće g. Ilija Filipović

### **Ad.3. Izvještaj sa druge runde pregovora o Sporazumu o stabilizaciji i pridruživanju, održane 17.3.2006**

**Izjavitelac g.Igor Davidović, glavni pregovarač BiH sa EU**

g. Igor Davidović je izvjestio prisutne o drugoj rundi pregovora o sa Evropskom Unijom o Sporazumu o stabilizaciji i pridruživanju, koja je održana 17.3.2005. istakavši da se radi o tehničkoj rundi.

Na ovoj, prvoj tehničkoj rundi pregovora se razgovaralo o Glavi IV Sporazuma o stabilizaciji i pridruživanju, odnosno o kretanju roba i slobodnoj trgovini.U ovoj Glavi se definišu ciljevi postepenog uspostavljanja područja slobodne trgovine između BiH i EZ. Glava IV je podijeljena na 3 poglavlja: o industrijskim proizvodima, o poljoprivrednim i ribarskim proizvodima i zajedničke odredbe.Naglašeno je da će se uspostavljanje područja slobodne trgovine završiti u prelaznom periodu od maksimalno 10 godina i to je jedna od obaveza prema WTO.

Nezvanični prijedlog koncesija BiH za industrijske proizvode sastoji od četiri liste. Na prvoj listi su proizvodi koji će odmah po stupanju na snagu Privremenog sporazuma biti oslobođeni carina. Tu će se nalaziti oko 50% svih proizvoda, a od toga je većina proizvoda koji već sada imaju baznu carinu

0%. Većinom su to proizvodi koji se ne proizvode u BiH ili služe kao sirovinska osnova za dalju proizvodnju.

Drugu listu čini oko 30% proizvoda, a ona bi se mogla označiti kao lista manje osjetljivih proizvoda, čija bi se carina do 1.1.2007. godine redukovala na 60% od bazne carine, a sledeće godine na 40% i na početku treće godine, uspostavila bi se slobodna trgovina ovim proizvodima. Treća lista je lista osjetljivih proizvoda, koja je koncipirana tako da se od 1.1.2007. godine, njihova carina smanji na 70% bazne carine. Druge godine to smanjenje bi bilo na 50% bazne carine, treće godine na 40%, četvrte godine na 20%, a od početka pete godine predviđena je slobodna trgovina ovim proizvodima.

Ove liste sadrže linearno smanjivanje baznih carina, kako ne bi došlo do naglog udara na proizvođače ovih roba u BiH.

g. Davidović je naglasio je da već postoji svijest o potrebi kontinuirane edukacije privrednika u BiH o tome da liberalizacija trgovine i otvorenost tržišta ne znači istovremeno i pad domaće proizvodnje, već prije svega, jačanje konkurentnosti domaćih proizvođača, privlačenje stranih investicija i mogućnost povećanja izvoza. U vezi s tim, naglasio je značaj jačanja institucionalnih kapaciteta u BiH koji će olakšati pristup domaćih privrednih subjekata jedinstvenom tržištu EU.

On je istako da Institucije BiH moraju da naprave program za amortizaciju udara kome će biti izloženo naše tržište nakon potpisivanja Sporazuma, te da se rformiraju fondovi za sanaciju posljedica iz kojih će se pomagati proizvođačima, kako bi njihovi proizvodi bili konkurentni na tržištu EU.

g. Davidović je rekao i da bosanskohercegovačka strana predlaže da se zaštite šume i vode BiH, odnosno da se izuzmu iz svere slobodne kupovine.

U okviru pove tačke dnevnog reda zaključen je da članovi Zajedničke komisije za evropske integracije i g. Igor Davidović upoznaju članove Predstavničkog doma i Doma naroda PS BiH sa dosadašnjim rezultatima pregovora i najbitnijim strateškim pitanjima

#### **Ad.4. Tekuća pitanja:**

Nije bilo prijedloga za diskusiju u okviru ove tačke

Jelena Rajaković

Privremeni sekretar  
Zajedničke komisije za  
evropske integracije PS BiH

Fatima Leho

Predsjedavajuća  
Zajedničke komisije za  
evropske integracije PSBiH